

քաղիտութեամբ երկար տարիներ կառավարեց երկիրը (1226—1270) :

Թէեւ Լուսինեաններու հետ խնամեցաւ Լեւոն Ա ազջիկ աննելով անոնցմէ , բայց այս խնամութիւնը բաւական չէ Լուսինեաններու ազգեցութեան տակ արդէն մտած համարել հայկական կիլիկիան , քանի որ Հայոց վրայ իշխող առաջին Լուսինեանն եղած է Գուրամն , կիպրոսի Հանրի Բ թագաւորի եղբայր Ամօրի իշխանի որդին , որ մօր կողմանէ հայ էր , Լեւոն Բ-ի թոռը , Չապլունի որդին :

Գուրամն կամ կի Լուսինեան հայկական գահը բարձրացաւ Կոստանդին Բ (1) անուան տակ , 1342 (+ 1344) թուին , Լեւոն Ա-ի խնամութեանէն հարիւր երեսուներկու տարի վերջը :



2

Լուսինեաններ

Լուսինեաններու ծագումն առաւելական աւանդութիւններու վրայ հաստատուած է :

Կը կարծուի թէ Լուսինեաններու Տան առաջին պեան եղած է Ֆրանսայի հիւսիսային կողմը տարածուած նախկին Պուատու գաւառէն Raymondin de Forez անուն մէկը . իսկ պատմութեան մէջ ծանօթ առաջին Լուսինեանն եղած է Հիւզ Ա , որ Ժ-րդ դարու մէջ կապրէր (2) :

Լուսինեաններն իրենց երկրին բացարձակ տէրերն էին եւ գարերէ ի

(1) Լեւոն Ա-ի համար ինչ որ բսինք էիչ մը վերը (եր. 11, ծան. 3) , նոյնը կը կրկնենք նաեւ այս Կոստանդինի համար . այսինքն՝ Ա Կոստանդինը կը համարենք Հեթուլ , Թորոս , Սմբատ եւ Օթին քաղաւորներու եղբայրը , որ գահակալեց 1298—99-ին . իսկ Ռուբէն Ա իշխանի որդի պարոն Կոստանդին քաղաւորական սիսդոս չէ առած , այլ հօրը պէս սքարգ իշխան մը եղած է :

(2) Le Chanoine Pascal, *Hist. de la Maison royale de Lusignan*. Paris, 1896, եր. 1 : Տե՛ս նաեւ Մ. Ս. Գալիք-բէկ , *Լուսինեանք* . Վիեննա, 1900 , եր. 1 :